

ionas go mbeimid, le cúnamh do thrócaire, saor ón bpeaca i gcónaí agus slán ón uile bhuaire agus sinn ag stúil leis an dóchas naofa agus le teacht ár Slánaitheora, Íosa Críost.

Óir is leatsa an ríocht agus an chumhacht agus an ghlóir trí shaol na saol.

A Thiarna Íosa Críost, a dúirt le d'Aspail: Fágaim síocháin agaibh, tugaim daoibh mo shíocháin: ná féach ar ár bpeacáine ach ar chreideamh d'Eaglaise; deonaigh síocháin a thabhairt di agus í a aontú, faoi mar is toil leat féin, tusa a mhaireann agus a rialaíonn trí shaol na saol. **Amen.**

Síocháin an Tiarna libh i gcónaí. **Agus le do spiorad féin.**

A Uain Dé, a thógann peacaí an domhain, déan trócaire orainn.

A Uain Dé, a thógann peacaí an domhain, déan trócaire orainn.

A Uain Dé, a thógann peacaí an domhain, tabhair dúinn síocháin.

Seo é Uain Dé, seo é an té a thógann peacaí an domhain. Is méanar dóibh siúd a fuair cuireadh chun séire an Uain.

A Thiarna, ní fiú mé go dtiocfá faoi mo dhíon, ach abairse an focal agus leigheasfar m'anam.

Iarchomaoineach

A Dhia uilechumhachtaigh shíoraí, ceadáíonn tú don mhuintir atá ar talamh na sacraimintí diaga a láimhseáil: deonaigh, impímid ort, go mbeidh dúthracht ár ndeabhóide Críostaí dár dtarraingt chugatsa mar a bhfuil ár bhfiormhaoín. Trí Chríost ár dTiarna. **Amen.**

An Deasghnáth Deiridh

Go raibh an Tiarna libh. **Agus le do spiorad féin.**

Go mbeannaí Dia uilechumhachtach sibh, Athair, Mac agus + Spiorad Naomh. **Amen.**

Imí gí faoi shíocháin ag glóiriú anTiarna le bhur mbeatha.

Buíochas le Dia.

Toradh 50/50 Coiste na Mine 05/052024

Buaiteoir don €1,000

Colm & Anna Marie Curran, Na Mine.

Duais an Díoltóir do €50.00

Anna Marie Curran, Na Mine.

Coiste €1,000

Míle Buíochas as bhur dtacaíocht.

CLÚDAIGH SEACHTAINIÚLA
Má tá Bosca 456 agat cuir gaoch ar
an oifig. 0838126745.

Míle Buíochas as bhur dtacaíocht



PARÓISTE AN SPIDÉIL
DEASGABHÁIL ÁR DTIARNA
12Ú BEALTAINÉ 2024
An Ath. Daniel Gallagher
www.cilleinde.ie
Uaireanta Oifig: Dé Máirt, Déardaoin, Dé hAoine 10.00rn –2.00in Oifig: 083 8126745 *Rí-omhphost:* cilleinde@outlook.ie

			AIFRINN & INTINNÍ NA SEACHTAINÉ	
			CILL ÉINDE, AN SPIDÉIL	
Dé Sathairn	11ú	6.00i.n.	Eamon Breathnach, a bhean Máire, iníonacha Máirín & Peig & a mhuintir John agus Sarah Faherty & iníon Siobhán Delia Greaney	<i>Sidheán</i> <i>Doire Locháin Thiar</i> <i>Ard na bhForbacha</i>
Dé Domhnaigh	12ú	11.00r.n.	Eileen Francis Brid Ní Chonghaile (Pheait Nella)	<i>Aifreann Cinn Mhiosa</i> <i>Spidéal</i> <i>Cré Dhubh</i>
Dé Luain	13ú	10.00r.n.		<i>Missa Pro Populo</i>
Dé Máirt	14ú	10.00r.n.		<i>Missa Pro Populo</i>
Dé Céadaoin	15ú	10.00r.n.		<i>Missa Pro Populo</i>
Dé Sathairn	18ú	6.00i.n.		<i>Missa Pro Populo</i>
Dé Domhnaigh	19ú	11.00r.n.		<i>Missa Pro Populo</i>
			CILL TREASA, ROS A' MHÍL	
Dé Sathairn	11ú	7.30i.n.	Arlene Garvey Kate Mhic Dhonnacha	<i>Aifreann Cinn Mhiosa</i> <i>Rhode Island</i> <i>Meiriceá</i> <i>Dara Cuimhneacháin</i> <i>Barr Ruisín</i>
Dé Sathairn	18ú	11.00r.n. 7.30 i.n.	Pádraic & Delia, Maidc agus Baba Ó Donnóchú & garmhac Micheál	<i>Céad Coimeanach Rang 2</i> <i>Na Doireadh</i>
			CILL MHUIRE, NA MINNA	
Dé Domhnaigh	12ú	9.30r.n.	Bríd Mc Cormack	Tinn <i>Coill Rua</i>
Dé Domhnaigh	19ú	9.30r.n.	Thomas Dillane & a bhean Sarah(Sally)	<i>Minna</i>

Na DeasghnáthaTosaigh

In ainm an Athar agus an Mhic agus an Spioraid Naoimh. **Amen.**

Grásta ár dTiarna Íosa Críost agus grá Dé agus cumann an Spioraid Naoimh libh go léir. **Agus le do spiorad féin.**

Gníomh Aithrí

A phobal Dé, tugaimis ár bpeacaí chun cuimhne chun gurbh fhiú sinn na rúndiamhra naofa a cheiliúradh.

Adhmaím do Dhia uilechumhachtach, agus daoibhse a bhráithre, gur pheacaigh mé go trom, le smaoineamh agus le briathar, le gníomh agus le faillí, trí mo choir féin, trí mo choir féin, trí mo mhórchoir féin. Ar an ábhar sin, impím ar Naomh-Mhuire Síor-Ógh, ar na hAingil agus ar na Naoimh, agus oraibhse, a bhráithre, guí ar mo shon chun ár dTiarna Dia.

Go ndéana Dia uilechumhachtach trócaire orainn, go maithe sé ár bpeacaí dúinn, agus go dtreoraí sé chun na beatha síoraí sinn. **Amen.**

A Thiarna, déan trócaire. A **Thiarna, déan trócaire.** A Chríost, déan trócaire. A **Chríost, déan trócaire.** A Thiarna, déan trócaire. A **Thiarna, déan trócaire.**

An Ghlóir

Glóir do Dhia sna harda, agus ar talamh síocháin do lucht dea-thola. **Molaimid thú; móraimid thú; adhraimid thú; tugaimid glóir duit; gabhaimid buíochas leat as ucht do mhórghlóire; a Thiarna Dia, a Rí na bhflaitheas; a Dhia, a Athair uilechumhachtaigh. A Thiarna, a Aonmhic, a Íosa Críost. A Thiarna Dia, a Uain Dé, Mac an Athar, tusa a thógann peacaí an domhain, déan trócaire orainn; tusa a thógann peacaí an domhain, glac lenár nguí. Tusa atá i do shuí ar dheis an Athar, déan trócaire orainn. Óir is tú amháin is Naofa; is tú amháin is Tiarna; is tú amháin is Ró-Ard, a Íosa Críost, mar aon leis an Spiorad Naomh: i nglóir Dé an tAthair. Amen.**

Urnaí

A Dhia uilechumhachtaigh, cuir gliondar ar ár geroí le háthas naofa, agus le haoibhneas an bhuíochais bhúidh a ghabhaimid leat. Is céim suas dúinne deascabháil Chríost do Mhic; mar a ndeachaigh an ceann glórmhar, tá cuireadh ag an gcorp freisin le barr dóchais. Trí Chríost ár dTiarna. **Amen.**

Liotúirge an Bhriathair

An Chéad Léacht

Sliocht as Gníomhartha na nAspal – 1:1-11

Rinne mé an chéad trácht, a Theofálas ar an uile ní dár

thosaigh Íosa a dhéanamh agus a theagasc go dtí an lá inar tógadh suas é, ar thabhairt aitheanta dó tríd an Spiorad Naomh do na haspail a thogh sé agus ar thaispeáin sé é féin beo dóibh i ndiaidh a pháise leis an iomad cruthú ar feadh daichead lá, á nochtadh féin dóibh, agus ag tagairt do ríocht Dé. Agus ag caitheamh bia dó ina gcuideachta, thug sé ordú dóibh gan corraí ó Iarúsailéim ach fuireach le gealltanas a Athar, ‘a chuala sibh,’ ar sé, ‘ó mo bhéalsa. Óir bhaist Eoin go dearfa le huisce, ach baistfear sibhse leis an Spiorad Naomh i gceann beagán laethanta uaidh seo.’

Ar an ábhar sin, d’fhiafraigh siadsan a bhí cruinnithe le chéile de, ag rá: ‘A Thiarna, an ndéanfaidh tú, an t-am seo, ríocht Isráel a chur ar bun arís?’ Ach dúirt seisean leo: ‘Ní faoi bhur goinnese atá sé eolas a bheith agaibh ar na hamanna ná ar na tráthanna a chuir an tAthair ina chumhacht féin. Ach gheobhaidh sibh cumhacht an Spioraid Naoimh a thiocfaidh oraibh, agus beidh sibh ina bhur bhfinnéithe domsa i Iarúsailéim agus i Iúdáia go hiomlán, agus sa tSamáir, agus fiú go críocha imigéiniúla an domhain.’

Agus nuair a dúirt sé na nithe sin, agus iad ag faire, tógadh suas é; agus rug néal amach as a n-amharc é. Agus le linn dóibh a bheith ag amharc air ag dul suas ar neamh, féach, sheas beirt fhear in éadaí geala in aice leo, agus dúirt siad leo: ‘A fheara na Gaililé, tuige a seasann sibh ag amharc suas ar neamh? An tÍosa seo a tógadh suas ar neamh uaibh, is amhlaidh a thiocfaidh sé, mar a chonaic sibh é ag dul suas ar neamh.’

Briathar an Tiarna. **Buíochas le Dia.**

Salm le Freagra – Sm 46

Fr: Gabhann Dia in airde le gártha molta; gabhann sé in airde le séideadh an stoic.

- Buailigí bhur mbosa, a chiníocha uile, gairdígí do Dhia le teann lúcháire! Óir is ard é an Tiarna agus is uamhnach, ina ardrí os cionn na cruinne. *(Fr)*
- Gabhann Dia in airde le gártha molta; gabhann sé in airde le séideadh an stoic. Seinntear ceol dár nDia; seinntear ceol dó! Seinntear ceol dár rí; seinntear ceol dó! *(Fr)*
- Is é Dia rí na cruinne go léir. Seinnigí agus canaigí ar bhur ndícheall dó! Tá Dia ina rí ar na náisiúin; tá sé ina shuí ar a chathaoir naofa. *(Fr)*

An Dara Léacht

Sliocht as litir N. Pól chuig na hEifisigh – 1:17-23

A bhráithre, impím ar Athair na glóire, ar Dhia ár dTiarna Íosa Críost, spiorad na heagna agus na tuisceana a bhronnadh oraibh chun go gcuirfeadh sibh eolas air go cruinn. Go n-osclaí sé súile na haigne daoibh chun go dtuigfeadh sibh cad é mar údar dóchais atá sa ghairm a fuair sibh ó Dhia; agus cad é mar shaibhreas atá le fáil mar oidhreacht ghlórmhar uaidh ag a phobal naofa; agus cad é mar chumhacht as

cuidse atá ag obair aige ionainne, creidmhigh. Is í an chumhacht éachtach chéanna í a chuir sé ag obair i gCríost nuair a thóg sé ó mhairbh é agus chuir ina shuí ar a dheis féin sna flaithis é, go hard os cionn gach uile cheannas agus údarás agus cumhacht agus tiarnas agus os cionn gach teideal eile dár féidir a lua, ní amháin sa saol seo, ach fós sa saol atá le teacht. Chuir sé gach ní faoina smacht agus cheap ina ardcheann ar an Eaglais é. Is í an Eaglais a chorp mar gurb í láine an té úd a líonann gach ní go hiomlán í.

Briathar an Tiarna. **Buíochas le Dia.**

Alleluia, alleluia!

‘Imígí, déanaigí deisceabail de na náisiúin uile,’ a deir an Tiarna. ‘Táim in éineacht libh i gcónaí go dtí deireadh an tsaoil.’

Alleluia!

Soiscéal

Marcas 16:15-20

Go raibh an Tiarna libh. Agus le do spiorad féin.

Deireadh an tSoiscéil naofa de réir N. Marcas.

Glóir duit, a Thiarna.

Thaispeáin Íosa é féin don aonar déag agus dúirt leo: ‘Imígí faoin domhan uile agus fógraigí an dea-scéal don chruthaíocht uile. An té a chreidfídh agus a bhaistfear, slánófar é; ach an té nach gcreidfídh, daorfar é.

‘Agus leanfaidh na comharthaí seo an dream a chreideann. Caithfidh siad deamhain amach i m’ainmse, labhróidh siad i dteangacha nua, tógfaidh siad nathracha ina lámha, agus má ólann siad aon deoch mharfach, ní dhéanfaidh sí díobháil dóibh; leagfaidh siad a lámha ar easláin, agus beidh siad ar fónamh.’

Tar éis dó labhairt leo, dá bhrí sin, tógadh an Tiarna Íosa suas ar neamh, agus chuaigh sé chun suí ar dheasláimh Dé. Ach iad siúd, d’imíodar leo agus chraobhscaoileadar i ngach áit, agus chabhraigh an Tiarna leo ag neartú an bhriathar leis na comharthaí a lean é.

Soiscéal an Tiarna. **Moladh duit, a Chríost.**

An Chré

Creidim in aon Dia amháin, an tAthair uilechumhachtach, a rinne neamh agus talamh, agus an uile ní sofheicthe agus dofheicthe. Agus in aonTiarna amháin Íosa Críost, Mac Aonghine Dé, an té a rugadh ón Athair sula raibh aon saol ann, Dia ó Dhia, solas ó sholas, Fíor-Dhia ó Fhíor-Dhia; an té a gineadh agus nach ndearnadh, agus atá de chomhshubstant leis an Athair: is tríd a rinneadh an uile ní. Ar ár son-na, an cine daonna, agus ar son ár slánaithe, thuirling sé ó neamh. Ionchollaíodh le cumhacht an Spioraid Naoimh é i mbroinn na Maighdine Muire agus ghlac sé nádúr daonna. Céasadh ar an geros é freisin ar ár son faoi Phointias Píoláit; d’fhulaing sé páis, agus

adhlacadh é.

D’aiséirigh an treas lá de réir mar a d’fhógair na Scriptorúir; chuaigh suas ar neamh; tá ina shuí ar dheis an Athar.

Tiocfaidh sé an athuair faoi ghlóir, le breithiúnas a thabhairt ar bheo agus ar mhairbh, agus ní bheidh deireadh lena ríocht.

Creidim sa Spiorad Naomh, Tiarna agus bronnóir na beatha, an té a ghluaiséann ón Athair agus ón Mac. Tugtar dó adhradh agus glóir, mar aon leis an Athair agus leis an Mac: is é a labhair trí na fáithe. Creidim san aon Eaglais, naofa, chaitliceach, aspalda.

Adhmaím an t-aon bhaisteadh amháin chun maithiúnas na bpeacaí.

Agus táim ag súil le haiséirí na marbh, agus le beatha an tsaoil atá le teacht. Amen.

Liotúirge na hEocairiste

A phobal Dé, guígí go nglacfaidh Dia, an tAthair uilechumhachtach, leis an íobairt seo uaimse agus uaibhse.

Go nglaca an Tiarna leis an íobairt seo ó do lámha, chun onóra agus glóire a ainm, chun sochair dúinne agus dá Naomh-Eaglais uile.

Os Cionn na nOfrálacha

Ofrálaimid an íobairt seo go humhal duit, a Thiarna, in onóir dheascabháil naofa do Mhic; deonaigh, impimid ort, go n-ardófar ár n-aighe chun na bhflaitheas de thoradh an chaidrimh bheannaithe seo. Trí Chríost....

PAIDIR EOCAIRISTEACH

Go raibh anTiarna libh. Agus le do spiorad féin.

Tógaigí bhur gcroithe in airde.

Tá siad tógtha in airde chun an Tiarna againn. Gabhaimis buíochas lenár dTiarna Dia.

Is ceart agus is cóir sin.

Is Naofa, Naofa, Naofa thú, aThiarna Dia na Slua.

Tá neamh agus talamh lán de do ghlóir.

Hósanna sna harda.

Is beannaithe an té atá ag teacht in ainm anTiarna.

Hósanna sna harda.

Rúndiamhair an chreidimh.

Táimid ag fógairt do bháis, a Thiarna, agus ag comóradh d’aiséirí, nó go dtaga tú.

Is tríd agus leis agus ann a thugtar gach onóir agus glóir duitse, a Dhia, an tAthair uilechumhachtach, in aontacht an Spioraid Naoimh, trí shaol na saol. Amen.

Deasghnáth na Comaoineach

Aitheanta an tslánaithe dár dtreorú agus briathar Dé dár dteagasc, tá sé de mhisneach againn a rá: **Ar nAthair atá ar neamh.....**

Saor sinn ó gach olc, impimid ort, a Thiarna.

Tabhair dúinn go cineálta síocháin lenár linn,